

BILTEN

BROJ 12 • FEBRUAR 2023



SRCE ZA DJECU

20

GODINA
ISTRAJNOSTI
I PODRSKE

SADRŽAJ

- 6. *Moja kosa tvoja kosa*
- 8. *Psihosocijalna podrška*
- 10. *Medicinsko-zdravstveni fond*
- 11. *Socijalni fond*
- 12. *Roditeljska kuća Sarajevo*
- 14. *Roditeljska kuća Tuzla*
- 15. *Rehabilitacioni kamp Bjelašnica 22*
- 18. *MladiCe*
- 20. *Fond za stipendiranje*
- 22. *SRCE SHOP*
- 26. *Podizanje svijesti - Kampanje*
- 28. *Naš fokus u 2023.*

SRCE ZA DJECU OBOLJELU OD RAKA / THE HEART FOR KIDS WITH CANCER

Adresa: Betanija bb, 71000 Sarajevo, Bosna i Hercegovina

Kontakt: Tel/fax: 00 387 33 215 416

GSM: +387 62 347 395

E-mail: info@srcezadjecu.ba

Web: www.srcezadjecu.ba

RAIFFEISEN BANK BOSNIA AND HERZEGOVINA 161 00000 388 900 27

IBAN: BA 391610000038890027

S.W.I.F.T.: RZBABA2S

IMPRESSUM

Bilten Udruženja "Srce za djecu oboljelu od raka"

Izlazi godišnje

Izdavač: Udruženje "Srce za djecu oboljelu od raka"

Za izdavača: Fikret Kubat, direktor Udruženja

Urednik: Atifa Buldić-Bešić

Lektura: Saša Rukavina

DTP: TRIPHIH, Sarajevo

Štampa: SAVART M, Sarajevo

Tiraž: 2.500

ISSN 2303 – 4270

Štampano uz pomoć organizacije Al Najat Charity iz Kuvajta

Naslovna fotografija: Hanan by Radoš Jovanović



"Svaka borba je teška.
Neke su ipak teže od drugih.
Zahvaljujući dobrom ljudima u jednom
trenutku postanu podnošljive"

"Jača solidarnost sa djecom oboljelom od raka i njihovim porodicama u Bosni i Hercegovini jednostavno je prioritet"

Fikret Kubat



Dragi naši,

Donosimo vam 12. izdanje biltena Udruženja Srce za djecu oboljelu od raka. Ove godine Udruženje slavi i 20 godina svog postojanja, ali i istrajnosti i podrške.

Tim povodom ovo izdanje biltena dobilo je svoje novo ruho i potrudili smo se što slikovitije prikazati šta smo to sve uradili u 2022. godini, te predstaviti rezultate našeg truda i rada.

Kao i svake godine potrudili smo se unaprijediti programske aktivnosti, ali i kreirati nove projekte koji će ispuniti potrebe onih zbog kojih postojimo - djece oboljele od raka i njihovih porodica.

Još mnogo rada je tek pred nama, ali uz zajedništvo, podršku društvene zajednice i snagu koju dobijamo ćemo uspjeti stvoriti još sigurniji i bolji svijet za naše hrabre male i velike borce i njihove porodice.

Srdačno Vaš,
Fikret Kubat

2022 Udruženje u brojkama

Osnovani u 2003.
20 godina postojanja



Preko 500 članova
Udruženja



Mobilni tim posjetio
11 porodica/
Preko 1000 paketa
pomoći



52 survivora
organizovanih
pod nazivom
mladiCe



10 izrađenih
i uručenih perika
u 2022.



3 reparacije starih
perika



Do sada 12.337
donatora kose/oko
80% djeca



Do sada 1600
porodica dobilo
podršku Udruženja




321 aktivnih
volontera



Bliska profesionalna
saradnja sa
hematoonkološkim
odjeljenjima
u Sarajevu i Tuzli





Moja kosa, tvoja kosa

SRCE osmjehe vraća vlasulja

Moja kosa, tvoja kosa jedan je od najhumanijih projekata u Bosni i Hercegovini, ali i u regionu, te šire. U sklopu ovog projekta izrađujemo perike i dajemo ih na korištenje (potpuno besplatno) djeci koja su privremeno ili trajno pretrpjela gubitak kose. U pet godina trajanja napravio je veliku razliku u životima mnoge djece.

On ima za cilj poboljšanje emocionalnog i psihičkog zdravlja hematoonkoloških pacijenata, ali i djece koja se bore sa drugim oboljenjima koja kao posljedicu imaju gubitak kose. Jedan od ciljeva je i pomoći djeci kao ranjivoj skupini pri reintegraciji u porodicu, školu, vršnjačke grupe i širu zajednicu. Svim navedenim i ostalim što promoviše ovaj projekt uspjevamo stvoriti dodatne vrijednosti Udrženju i široj društvenoj zajednici.

Sebi smo 2022. godine postavili izazove i sa zadovoljstvom možemo reći da smo ih uspješno savladali što se vidi i po podacima koje don-


osimo. Prošle godine smo uspješno vodili vlasuljarsku radionicu i osigurali sredstva za njeno nesmetano funkcionisanje. Radili smo na kontinuiranom usavršavanju naših vlasuljara, nabavci repromaterijala, opreme i alata za izradu perika, te redovno izvještavali javnost o sprovedenim aktivnostima. Nakon dvije godine pauze uzrokovane lošom epidemiološkom situacijom, ponovo smo organizovali javnu akciju šišanja i darivanja kose u SCC-u i prikupili mnoštvo pozitivne energije, ljubavi i podrške.

Sve ovo ne bi bilo moguće bez naših dragih donatora, koji su svojom podrškom omogućili funkcionisanje ovog projekta. Hvala od srca Diplomatskom zimskom bazaru, Općini Centar, Sarajevo City Centru, kompanijama, institucijama i građanima Bosne i Hercegovine na nesebičnoj podršci i doprinisu.



Ambasadorica projekta Amra Džeko:

"Neizmjerno sam sretna što mogu biti dio jednog ovakvog humanog i velikog projekta. Drago mi je što mogu biti glas onih koji ga traže, ali i podrška našoj djeci koja se bore sa najvećim iskušnjima. Sa zadovoljstvom dajem svoj doprinos i sretna sam kada vidim koliko smo empatični kao društvo, kako zajednički djelujemo za dobrobit drugih. Hvala svakom djetetu, svakom odraslotu čovjeku koji je dao svoju podršku"



Javna akcija šišanja kose u SCC-u

264
donacije
kose

212
šišanja na
licu mesta

25
frizera

20
volontera

2.000
donacija
za balone - simbol
podrške djeci
oboljeloj od raka



Psihosocijalna podrška

Lakše je sa SRCEm

Već 20 godina Udruženje vodi program psihosocijalne podrške. U okviru njega nudimo besplatne psihosocijalne, okupacione, muzičke i kreativne terapije na hematoonkološkim odjelima i Roditeljskoj kući s ciljem olakšanja bolničkog liječenja i osnaživanja malih pacijenata, te njihovog poticanja da se ponovo povežu sa intuitivnim, unutarnjim snagama u procesu ozdravljenja.

Naš tim stručnog osoblja, psihologa i psihoterapeuta, konstantnim i kontinuiranim radom svake godine ovaj program unapređuje i pronađi rješenja za probleme i potrebe koje prepoznamo kod djece i njihovih porodica.

Prošle godine neki od ciljeva su bili da imamo bolje ishode liječenja djece oboljele od malignih oboljenja; da poboljšamo emocionalno i mentalno zdravlje djece oboljele od raka i njihovih roditelja; da pružimo psihoterapijsku pomoć djeci sa višestrukim traumama; da pružimo psihoterapijsku pomoć i podršku roditeljima djece koja se trenutno liječe od raka; da pružimo podršku tugujućim porodicama; da pružimo podršku mladim ljudima koji su u djetinjstvu liječeni od raka; da pružimo podršku medicinskom osoblju koje liječi našu djecu. Ove ciljeve prate i rezultati na koje smo posebno ponosni.

VAŽNOST PSIHOSOCIJALNE PODRŠKE RODITELJIMA

Nakon dijagnoze malignog oboljenja vlastitog djeteta, roditeljima i cijeloj porodici se cijelokupan porodični sistem urušava i istog trena se život, koji su ranije poznivali i imali, zamjenjuje jednim potpuno novim, u kojem prevladavaju očaj i strah enormnih razmjera, te nepoznat tok i ishod liječenja.

Obzirom da je borba za život nakon jedne takve dijagnoze jako duga i u svakom mogućem smislu iscrpljujuća, roditelji prolaze kroz razne faze psihičke opterećenosti. Razapetost između bolesnog i zdravog djeteta koje je ostalo kod kuće, te potpuno reorganizovanje porodične

dinamike i svakodnevnicu zahtijevaju sabranost, zrelost, organizovanost i ogromnu snagu da se sve to izdrži i najbolje moguće odvija. Kako bi se to moglo i ostvariti, a da roditelji u potpunosti ne sagore i ne izgube potrebnu vjeru, nadu i optimizam, trebaju i moraju imati, ali i iskreno prihvati psihološku podršku koja im se nudi na raspolaganju. Zašto je još bitno usmjeriti fokus ne samo na dijete, već i na roditelje koji se suočavaju sa najtežim dječnjim dijagnozama jeste činjenica da takav roditelj ima pojačane strahove, izražajnija depresivna stanja kao i posttraumične simptome koje je tokom i nakon liječenja veoma teško samostalno prevazići i njima vladati.

I ja sam jedna od tih roditelja i ovo je moje lično iskustvo i viđenje važnosti razgovora sa psihologom, osobom koja ti postane veoma važna ličnost u novom životnom odlomku. Zatvorenost u ovakvim slučajevima ne smije nadjačati i uzeti kontrolu nad tobom iz prostog razloga – dodatno iscrpljuje i uzima nadu i optimizam. A kako je npr. majka ogledalo svom djetetu, ona mu treba nasmijana, vedra i ohrabrujuća, te sabrana i mirna kako bi ga istovremeno mogla utješiti, umiriti ali i nasmijati i razigrati, jer u konačnici to je i dalje malo dijete željno mašte, igre, smijeha a svaka majka naviše od svega želi imati sretno dijete. Zahvaljujući psihološkoj podršci sam lično nalazila ventil kroz koji sam mogla da rasteremim svoj um i duševno stanje, te dalje trezvenije i rasterećenije nastavim biti i ja sama svom djetetu psihološka i emocionalna podrška. Uzajamno smo činili savršen krug.

Kako sam i sama prošla mnogo različitih faza djetetovog liječenja i samim tim i mnogo psihičkog tereta imala i pretrpjela, ali i izdržala zahvaljujući psihološkoj podršci tokom cijelog toka liječenja i nakon toga, moram reći da bi za mene ovaj put bio u mnogo čemu teži da nisam otvorila dušu i pustila suzu osobi koja je mirno sjedila i slušala, te svojim načinom i znanjem veoma pažljivo psihološki mom ličnom kompleksnom stanju pristupila. Od mene veliko HVALA ide psiholožima i njihovom strpljenju, diskretnosti i dostupnosti!

Majka oboljelog djeteta od raka Senka Mulamuratović



PSIHOLOŠKA PODRŠKA

- Online individualna psihoterapija - 29
- Online komunikacija sa porodicama koje su van BiH na liječenju - 227
- Savjetovanje za roditelje - 296
- Razgovor i savjetovanje sa porodicama čija djeca se nalaze na palijativnoj njezi - 19
- Radionice s djecom - 65
- Posjete mobilnog tima - 11
- Individualni razgovori sa mlađicama - 23
- Podrška medicinskom osoblju odjeljenjima u Tuzli i Sarajevu - 33



PODRŠKA TUGUJUĆIM PORODICAMA

- Grupne radionice - 7
- Individualne sesije - 81
- Posjete mobilnog tima - 6



EDUKACIJE I RADIONICE

- 2 radionice osnaživanja za mlađice
- 5 edukativnih radionica u školama Kantona Sarajevo
- 2 radionice "Da bijeli mantil ne boli" u saradnji sa udruženjem studenata Medicinskog fakulteta (BoHeMSA)
- Edukativna radionica za studente Medicinskog fakulteta
- Radionica o kasnim posljedicama liječenja sa dr. Lornom Zalelet iz Slovenije
- Okrugli sto u saradnji sa USPIT
- Učešće na Kongresu psihologa u Tuzli



Medicinsko-zdravstveni fond

SRCE nije samo

Medicinsko-zdravstveni fond formiran je na osnovu potreba djece oboljele od malignih bolesti. U okviru njega vršimo:


- Nabavku lijekova koji nisu na esencijalnoj listi, a preporučeni su od strane ljekara za liječenje
- Nabavku i ustupanje na korištenje medicinskih pomagala (invalidska kolica, štakе, proteze, mobilna boca za kisik, maske, medicinske perike)
- Nabavku medicinske opreme za potrebe pedijatrijskih hematoonkoloških pacijenata

Prava iz ovog Fonda ostvaruju se na osnovu Pravilnika o nabavci lijekova, pomagala i medicinske opreme za djecu tokom i nakon liječenja na hematoonkološkim odjeljenjima, kojeg Udruženje donosi i usvaja svake godine.

Mnogo je 2022. godine projekata realizovano zahvaljujući upravo ovom Fondu i donatorima koji su ga finansijski popunili. Iskrene zahvale idu narodu Države Kuvajt, organizacijama Al Najat i Tawasul iz Kuvajta, Islamskoj zajednici BiH, Fondaciji BH Help iz Londona, kompanijama, institucijama i građanima Bosne i Hercegovine.

TRENUTNE POTREBE FONDA

- Mobilni ultrazvuk sa pedijatrijskim sondama
- Aparat za akutnu hemodijalizu djece svih uzrasta sa odgovarajućim setovima
- Infuzione pumpe
- Perfuzori
- Dezinfekciona sredstva
- Imunopreparati/dodaci prehrani za djecu



Socijalni fond

Sa SRCEm je toplije

Socijalni fond koristimo za podršku socijalno ugroženoj djeci i porodicama, te onima koji moraju biti izmjешeni na liječenje van Bosne i Hercegovine preko Fonda osiguranja i reosiguranja FBiH.

U okviru njega pružamo:

- Interventnu pomoć za liječenje
- Socijalne prehrambene pakete
- Socijalne higijenske pakete
- Pomoć pri nabavci ogрева
- Ramazanske i bajramske pakete
- Praznične pakete
- Prevod, kopiranje i slanje dokumentacije
- Komunikaciju sa Federalnim fonom solidarnosti, ambasadama i univerzitetskim bolnicama van BiH
- Redovnu komunikaciju i saradnju sa udruženjima A.G.E.O.P. iz Bolonje, Croche Verde iz Bolonje, U.G.I. iz Torina i C.A.P. iz Torina
- Transport unutar i van Bosne i Hercegovine

Prava iz ovog Fonda ostvaruju se na osnovu Pravilnika o dodjeli socijalne pomoći, kojeg Udruženje donosi i usvaja svake godine.



Prošla 2022. godina bila je plodonosna za Fond pa smo uspjeli pomoći i pružiti podršku velikom broju djece i porodica. Pomoć je obezbjeđena zahvaljujući dobrim donatorima. Posebnu zahvalnost upućujemo narodu Države Kuvajt, organizaciji Al Najat iz Kuvajta, Federalnom ministarstvu rada i socijalne politike, Ministarstvu za rad, socijalnu politiku, raseljena lica i izbjeglice Kantona Sarajevo, kompanijama i građanima Bosne i Hercegovine.



SOCIJALNA POMOĆ

40	Socijalne usluge za djecu
10	Ogrjev za porodice
205	Bajramski paketi za djecu
86	Poljoprivredni paketi
305	Školski pribor (setovi i ruksaci)
2	Troškovi angažmana prevoza pogrebnog društva

IZMIJEŠTANJE DJECE NA LIJEČENJE VAN BiH

13 djece	Pomoć pri izmještanju u Italiju
6 djece	Pomoć pri izmještanju u Tursku
4 djece	Izmještanje na redovne kontrole
35	Prevod medicinske dokumentacije
10	Prevoz i pomoć pri izmještanju van BiH



Još 1.133 dana sa SRCEm

Proces liječenja djece je izuzetno težak i komplikiran te iziskuje ogromnu fizičku i psihičku snagu i značajna materijalna sredstva. Održavanje porodične atmosfere dokazano poboljšava opću zdravstvenu sliku djeteta i mogućnost njegovog izlječenja.

Iz ovih potreba je i nastala naša Roditeljska kuća koja oboljeloj djeci i njihovim porodicama pruža drugi dom, porodičnu atmosferu i mjesto na kojem bar na trenutak mogu zaboraviti na bolničko liječenje.

Roditeljska kuća je otvorena u travnju 2016. godine i nalazi se u kružu Pedijatrijske klinike Jezero u Sarajevu. Posjeduje 700 kvadratnih metara korisnog prostora, od toga 10 porodičnih apartmana sa kuhinjom, zajedničku kuhinju i dnevni boravak, multifunkcionalnu salu sa igraonicom, vešeraj, krovnu terasu i uređene zelene površine sa prostorom za relaksaciju i igru. Roditeljska kuća ima energetski certifikat A i koristi solarnu energiju za pripremu potrošne tople vode.




Obezbijedeno pokroviteljstvo za 7 apartmana, 1 vešeraj

UKUPNO ZAUZETIH DANA	1.133
UKUPNO KORISNIKA/PORODICA	35
UKUPNO ČLANOVA PORODICA	154
NAJDUŽI BORAVAK U DANIMA	139
PROSJEČNI BORAVAK U DANIMA	40
PROSJEĆNA POPUNJENOST APARTMANA	46 odsto

PRIMJER: SEPTEMBAR 2022.

UKUPNO PORODICA	12
UKUPNO KORISNIKA	30
UKUPNO DANA	156
NAJDUŽI BORAVAK U DANIMA	30
PROSJEČNI BORAVAK	12
PROSJEĆNA POPUNJENOST U SEPTEMbru	52 odsto

KORISNICI RODITELJSKE KUĆE



● PORODICE PO KANTONIMA

USK, TK, ZDK, SBK, HNK, KS

● PORODICE PO GRADOVIMA

BIHAĆ, CAZIN, SANSKI MOST, BUŽIM, VELIKA KLAĐUŠA, JAJCE, GORNJI VAKUF, ZENICA, TEŠANJ, SARAJEVO, ZAVIDOVICI, ŽEPČE, NOVI ŠEHER, GRAČANICA, MOSTAR

Još jedna Roditeljska kuća

Raste SRCE i u Tuzli

Udruženje Srce za djecu oboljelu od raka počelo je u Tuzli s izgradnjom druge Roditeljske kuće na području FBiH, u kojoj pruža smještaj, psihosocijalnu podršku, ali i pomoći tokom teškog procesa liječenja djece oboljele od raka.

Roditeljska kuća u Tuzli će imati 400 kvadratnih metara životnog prostora, pet apartmana u kojima će istovremeno moći boraviti pet porodica, dnevni boravak, igraonu, kuhinju, vešeraj i druge zajedničke prostorije.

Iza nas su izazovna vremena koja su uveliko imala utjecaja na projekat izgradnje Roditeljske kuće Tuzla, kao što su pandemija COVID-19 i ekomska kriza izazvana ratom u Ukrajini. No nismo dopustili da nas ove okolnosti pokolebaju i zaustave pa smo, nešto usporenijim tempom, nastavili realizaciju ovog projekta.

Tokom 2022. godine smo uspjeli završiti temelje Roditeljske kuće i uraditi termoizolaciju, izgradnju zidova, postavljanje čelične krovne konstrukcije i pustiti u proizvodnju stolariju.

Nastavljamo dalje 2023. godine punom parom.

Hvala Generalnom sekretarijatu vakufta Države Kuvajt, Vakufskoj direkciji Islamske zajednice u BiH, Vladi Tuzlanskog kantona, UKC Tuzla, te arhitektonskom birou Normal arhitektura na kontinuiranoj podršci u svim fazama projekta.



RODITELJSKA KUĆA TUZLA



SRCE snaži i jača

Liječenje od raka je veoma dug, težak i traumatičan proces, koji zahtijeva kontinuiranu i dugotrajanu izolaciju djeteta od društva i uvijek rezultira narušavanjem normalnog djetinjstva. Djeci nedostaje njihov dom, matična sredina i sve one aktivnosti koju ostala djeca nesmetano obavljaju. Po završetku bolničkog dijela liječenja, djeca se vraćaju u svoju matičnu sredinu i, vrlo često, imaju problema sa resocijalizacijom i stigmom društva.

Udruženje svake godine nudi posebno osmišljen program rehabilitacionog kampa za djecu oboljelu i liječenu od raka i njihove roditelje. Čitav program je besplatan, uključujući smještaj, hranu, aktivnosti i medicinsku skrb. Rehabilitacioni kamp se finansira donacijama, grantovima i aktivnostima Udruženja.

CILJEVI KAMPA

- Jačanje imuniteta, otpornosti i fizičke izdržljivosti djece
- Psihosocijalno jačanje
- Jačanje samopouzdanja, samopoštovanja i uključivanje u grupu vršnjaka
- Povećanje nezavisnosti, samouverenosti, otvorenosti prema novim stvarima i iskustvima
- Socijalno jačanje - pozitivan utjecaj grupe, resocijalizacija i povratak u matičnu sredinu
- Smanjenje stresa, anksioznosti, poticanje kreativnog izričaja i pozitivnog stava
- Jačanje porodičnih veza
- Podizanje svijesti o dječjem raku i posljedicama liječenja

Napokon nakon dvije godine pauze radi usložnjene epidemiološke situacije, 2022. godine smo organizovali rehabilitacioni kamp "Bješanica 2022", u kojem smo prikupili mnoštvo pozitivne energije. Kamp je održan zahvaljujući sredstvima Ministarstva zdravstva FBiH.





Majka Adelita Kadić:

"Iskoristit ću priliku da se zahvalim Udruženju Srce za djecu oboljelu od raka na divnom iskustvu, stvarno. Nemam riječi, još uvijek sam pod utiscima i emocijama. Sjajna organizacija, divne aktivnosti za djecu, druženje, razmjena iskustava, divne radionice za majke i, naravno, ja se nadam da ćemo se sljedeće godine vratiti ako Bog da i biti dio ovog kampa."



Hrabrost bez granica

MladiCe sa SRCEm

MladiCe predstavljaju mrežu mladih izlijеčenih od raka. Aktivna su grupa u sklopu Udruženja Srce za djecu oboljelu od raka. MladiCe su osnovane 2011. godine po uzoru na evropske grupe mladih ljećenih od raka. MladiCe trenutno imaju 52 člana, a ovaj broj je u stalnom porastu.

Neke od glavnih aktivnosti su:

- podrška oboljelim mališanima i njihovim roditeljima
- volontiranje u Udruženju i Roditeljskoj kući
- volontiranje u rehabilitacionim kampovima
- realizacija aktivnosti s ciljem širenja svijesti o dječjem raku

Pored ovih aktivnosti svaka MladiCa ima svoje interese i hobije koje na neki način poveže sa Udruženjem, pa tako imamo MladiCe koje organizuju kreativne radionice sa djećicom koja se liječe, koje pomažu pri izmještanju djece na liječenje u inostranstvo, tu su i oni posebno nadareni za fotografiju, zatim za pisanje, pa im nije strano ni pisanje članaka ili objava na stranici Udruženja.

Njihov zadatak je da, zajedno sa timom Udruženja, rade na vlastitom osnaživanju, edukaciji, rehabilitaciji i resocijalizaciji, te na osvještenju javnosti o raku kod djece i problemima s kojima se susreću tokom i nakon liječenja.

Međutim, možda je najvrijednije od svega to što vlastitim iskustvom svima stavljaju na znanje da je rak pobjediv.

Kroz poseban Fond za stipendiranje, MladiCe ostvaruju pravo na stipendiranje tokom svog fakultetskog obrazovanja.

Svaki od njih je jedna priča o ljudskoj hrabrosti koja nema granice.

MladiCe su i 2022. godine bile vrijedne i radili su punom parom. Vrijedno cijele godine su volontirale u Roditeljskoj kući, u rehabilitacionom kampu "Bjelašnica 2022", na projektu Moja kosa, tvoja kosa, na humanitarnoj trci Zlatni krug, u Srce Shopu, na kreiranju biltena Udruženja i na akcijama darivanja krvi. Također, zajedno sa Udruženjem, MladiCe su pokrenule projekat Praćenje kasnih posljedica, koji je od velikog značaja za mlade izlijеčene od raka. Njegov cilj je uspostavljanje sistema za adekvatno praćenje kasnih posljedica nakon liječenja.

Pored volonterskog angažmana, hrabro i reprezentativno su nas predstavljali u regionu i Evropi kao učesnici Regionalne konvencije mladih izlijеčenih od raka u Hrvatskoj i kroz učeće u projektima CCI Europe (organizacija Childhood Cancer International Europe), gdje važe za organizovanju i najuspješniju grupu mladih ljećenih od raka.

m̄ladiCe
Mreža mladih ljećenih od raka u BiH

MladiCe 2022

Vikend osnaživanja

2

Individualna psihoterapija

23

Sastanak mladiCa

6

Sastanak predstavnika mladiCa

4





Svake godine sve više stipendija

Učiti sa SRCEm

Programska aktivnost edukacije zalaže se za poboljšanje socijalnog statusa učenika i studenata oboljelih i liječenih od raka. Udruženje je počelo sa programom stipendiranja MladiCa u 2017./2018. školskoj godini, a fond za stipendije svake je godine rastao.

Pozitivna činjenica je da je svake godine sve više MladiCa koje upisuju visoke škole, pa smo od 2021. godine u fond uvrstili i mlade izlijecene od raka koji pohađaju treći i četvrti razred srednje škole. Zahvaljujući našim donatorima, narodu Države Kuvajt i organizaciji Al Najat, te njihovom interesu za ovaj projekat i ovu vrstu pomoći, dobili smo mogućnost uključiti više studenata i učenika srednjih škola.

Kroz program stipendiranja pružamo podršku djeci i mladima tokom

školovanja da bi ih podstakli da ne odustaju od svojih snova, ali i da bili konkurentniji na tržištu rada jednom kada završe svoje školovanje. Vrlo često podržimo i njihovo neformalno obrazovanje koje im pomaže pri unapređenju vještina i daje im više mogućnosti za lično i stručno usavršavanje.

Također, Udruženje pruža podršku Školi u bolnici, koja je na nivou Ministarstva obrazovanja Kantona Sarajevo organizovana kao posrednika u komunikaciji između roditelja i nastavnika.

Udruženje početkom svake školske godine učenicima obezbeđuje pakete školskog pribora i po potrebi ruksake za oboljelu i liječenu djecu, ali i za njihovu braću i sestre.



Fond za stipendiranje

	2021/2022	2022/2023
Stipendisti	31	40
Studenti	17	21
Srednjoškolci	14	19
Dodatno obrazovanje (viša škola)	1	1
Kursevi	3	3
Paketi školski pribor	135	305

SRCE SHOP



Naš socijalno-ekonomski shop

Stvaramo SRCEm

Srce Shop je jedinstven vid socijalnog poduzetništva u koji su uključeni mlađi koji su u djetinjstvu liječeni od raka.

Ovakav je vid poduzetništva koji direktno uključuje šire članove Udruženja, iznimno važan s obzirom na to da djeluje kao dio socijalno-ekonomskog sistema, pa u skladu s tim traži različite načine rješavanja njihovih problema, kao i problema od šireg značaja za ovu populaciju. Pored socijalnog momenta i vrijednosti koju daje ovom projektu, jedan od osnovnih ciljeva web shopa jeste finansiranje dijela aktivnosti i drugih važnih projekata Udruženja.

Bitno je napomenuti da cijelokupan prihod od prodaje proizvoda na web shopu ide za aktivnosti Udruženja Srce za djecu oboljelu od raka.

Vođeni plemenitom misijom stvaramo bolji, sigurniji i pouzdaniji svijet za djecu oboljelu od raka u Bosni i Hercegovini.

Stvaramo SRCEm, brinemo SRCEm!

Svi srce proizvodi su dizajnirani i proizvedeni u BiH, a možete ih pronaći na:

- Web shop - www.srceshop.ba
- Maloprodaja u Sarajevu na Breki - **Himze Polovine 21**
- Srceshop na OREA online platformi - www.oreabazaar.com/bs/shop/984/srceshop
- Facebook - [@srce shop](https://www.facebook.com/srce.shop)
- Instagram - [@srceshop.ba](https://www.instagram.com/srceshop.ba)

SRCE SHOP u 2022.godini

- ♥ 3 uposlene mlade osobe u djetinjstvu liječene od raka
- ♥ 40 kvalitetnih proizvoda
- ♥ 2 nove kolekcije
- ♥ 20 velikih pravnih lica kao novi klijenti
- ♥ Preko 200.000 posjeta na web shopu
- ♥ Povećan broj kupaca za 400 % u odnosu na 2021.godinu

- ♥ 2 učešća na Orea Art marketu

- ♥ 12 izlaganja u Mercatoru

- ♥ Saradnja sa velikim bh.dizajnerima **Marko Feher, Werkstatt, Bernard Pavlinović, Haris Jusović, Sabina Cvjetković**

- ♥ Prezentacija rada Srce d.o.o. na CCI Europe kongresu u Beču



*Stvaramo srcem,
brinemo srcem!*

www.SRCESHOP.ba

Društvo mora biti svjesno kompleksnosti problema

Važno je znati zašto SRCEm

Pored svega onog praktičnog što Udruženje Srce za djecu oboljelu od raka radi tokom godine, važan segment našeg djelovanja jeste i podizanje svijesti o problematiki dječjih malignih bolesti, koja je izuzetno slojevita jer dijagnoza istovremeno utječe na više polja života oboljelog djeteta i cijele porodice. Kompleksnost problema zahtijeva pažnju cijele društvene zajednice, a da bi se zajednica uključima, mora imati svijest o svim aspektima borbe sa malignom bolešću kod djece. Upravo zbog ovog, ali i još mnogih drugih razloga, više puta godišnje organizujemo kampanje podizanja svijesti o raku kod djece, a dio nekih od njih je i funraising, pomoći kojeg finansiramo veliki broj aktivnosti i projekata. Najznačajnije kampanje su one u povodu 15. februara, Međunarodnog dana djece oboljele i liječene od raka; Zlatni septembar, mjesec podizanja svijesti o raku kod djece; te ramazanska fundraising kampanja.

Fokus prošlogodišnjeg 15. februara stavili smo na rješavanje problema

bolovanja roditelja djece oboljele od malignih bolesti, pa smo obnovili inicijativu koju smo za to uputili Zastupničkom domu Parlamenta FBiH i organizovali online konferenciju sa stručnim osobljem, našim roditeljima i zastupnicima Parlamenta FBiH. Tokom Zlatnog septembra 2022. godine otišli smo korak dalje i organizovali veliku humanitarnu trku/šetnju Zlatni krug u Visokom. Kampanja je imala veliki odjek u javnosti i podrška je stigla sa svih strana i iz svih slojeva društva, od nivoa pojedinca do institucionalnog nivoa. Zahvaljujemo se od srca svim građanima koji su tada bili s nama i pokazali neizmjernu solidarnost sa djecom oboljelom od raka. Hvala od srca Gradu Visoko i njegovim nadležnim institucijama, koji su pružili nesobičnu podršku i bili veliki partner u organizaciji. Hvala za veliki doprinos kompanijama Vispak, BH Telecom, Konzum/Mercator, Oaza, Petrol, Perutnina Ptuj, Bahceci, Prevent Visoko i Wood Team, te svim drugim kompanijama koje su pružile svoju podršku.



Majka oboljelog dječaka Senka Mulamuratović:

"Pored briga o zdravlju djeteta postoji i život mimo bolnice, odnosno drugi problemi koji nas ne zabilaze. Zamislite koliko samo košta lijek ili nalazi ako ih sami morate platiti (a takvih ima!), odlazak i dolazak do bolnice, osnovne životne namirnice, a pošto se ishrana mora iz korijena promijeniti mnogo više novca dajete za zdrave namirnice, suplemente i slično. Uostalom, postaje roditelj sa još djece, kojima se također moraju obezbijediti normalni životni uslovi. Nikakav luksuz već hranu, školovanje, odjeću, obuću... Ni računi se neće sami platiti... Šta više da se kaže osim da je nehumano tom roditelju dati otkaz, osporavati ili ne platiti mu bolovanje."

17010

SADA JE DOBRO
VRIJEME DA BI SE
ČINIO DOBRO

Humanitarni telefon
HUMANITARNI TELEFON

www.srcezadjecu.ba

SRCE ZA DJECU



Naš fokus u 2023. godini

Pred nama je još mnogo što možemo uraditi za naše mališane i njihove porodice. U 2023. godini planiramo raditi na unapređenju naših aktivnosti, ali i položaju djece oboljele od raka u bh. društву.

20 GODINA
ISTRAJNOSTI
I PODRŠKE



SRCE ZA DJECU

Neke od aktivnosti na koje ćemo se posebno fokusirati su:

Izgradnja i puštanje
u funkciju
Roditeljske kuće
Tuzla



Unapređenje programa
psihičko-socijalne podrške



Obezbeđenje socijalne
pomoći za 1000 djece
i roditelja



Unapređenje zdravlja
djece kroz edukaciju
o nutricionizmu
i važnosti zdrave
prehrane i
zdravih stilova
života



Organizacija
13. rehabilitacionog kampa
i terapijskog jahanja
za djecu



Unapređenje saradnje
sa medicinskom
zajednicom i dječijim
hematoonkološkim
odjelima



Osnaživanje i edukacija
mladih izlječenih
od raka



Razvijanje programa
praćenja kasnih posljedica
liječenja



Nabavka potrebne
medicinske opreme
za liječenje oboljele djece



Nabavka potrebnih
lijekova za min. 100 djece



Stipendiranje min. 40
studenata i učenika
srednjih škola, a koji su
liječeni u djetinjstvu
od raka



Podizanje svijesti društva
i publikacije





Dragi prijatelji, donatori, volonteri i partneri,
Hvala vam od srca
za podršku, ljubav i snagu!

20 GODINA
ISTRAJNOSTI
I PODRŠKE ♥ | SRCE ZA DJECU

KAKO DONIRATI?

1. NOVAC

VAŠA DONACIJA U NOVCU MOŽE BITI ZA PROJEKTNE AKTIVNOSTI UDRUŽENJA ILI,
SPECIFIČNO, ZA RAD RODITELJSKE KUĆE.

ZA PROJEKTNE AKTIVNOSTI UDRUŽENJA

(molimo Vas da na uplatnom nalogu navedete
za koje aktivnosti želite donirati novac)

Uplate iz BiH

161 00000 388 900 27
Raiffeisen bank d.d. BiH

Uplate iz inostranstva

BA39161 00000 388 900 27
SWIFT code RZBABA2S
Raiffeisen bank d.d. BiH,
Zmaja od Bosne bb, 71000 Sarajevo
Bosnia and Herzegovina

ZA RODITELJSKU KUĆU

Uplate iz BiH

161 00000 388 901 24
Raiffeisen bank d.d. BiH

Uplate iz inostranstva

BA39161 00000 388 901 24
SWIFT code RZBABA2S
Raiffeisen bank d.d. BiH,
Zmaja od Bosne bb, 71000 Sarajevo
Bosnia and Herzegovina



POZIVOM NA JEDINSTVENI HUMANITARNI BROJ DONIRATE 2KM* 17010

2. USLUGE

VAŠA DONACIJA MOGU BITI PROFESIONALNE USLUGE, TE VJEŠTINE I ZNANJA KOJE POSJEDUJETE,
A KOJE BI MOGLE OLAKŠATI RAD UDRUŽENJA I BITI OD KORISTI NAŠIM ČLANOVIMA I KORISNICIMA.

MOLIMO VAS DA NAS KONTAKTIRATE ZA SVE DODATNE INFORMACIJE

+387 33 215 416

info@srcezadjecu.ba



3. PROIZVODI

DONIRATI MOŽETE I PREHRAMBENE PROIZVODE, HIGIJENSKE POTREPŠTINE,
MEDICINSKU OPREMU I LIJEKOVE, ODJEĆU, IGRAČKE I KNIGE.

Molimo vas da nas kontaktirate prije doniranja, pošto donacije ovakve vrste podlježu standardima i procedurama koje moramo ispoštovati.

MOLIMO VAS DA NAS KONTAKTIRATE ZA SVE DODATNE INFORMACIJE

+387 33 215 416

info@srcezadjecu.ba



4. DONIRAJTE KOSU

U OKVIRU PROJEKTA "MOJA KOSA, TVOJA KOSA" MOŽETE DONIRATI KOSU ZA POTREBE IZRADE
MEDICINSKIH PERIKA ZA SVU DJECU KOJA IMaju PRIVREMENI ILI TRAJNI GUBITAK KOSE.

Sve perike za djecu izrađuju se od Vaše donirane kose u našoj radionici na adresi Himze Polovine 21, Sarajevo.

MOLIMO VAS DA NAS KONTAKTIRATE ZA SVE DODATNE INFORMACIJE

+387 33 206 306

info@srcezadjecu.ba



5. SRCE WEB SHOP

SVI SRCE PROIZVODI SU DIZAJNIRANI I PROIZVEDENI U BOSNI I HERCEGOVINI
TE IH MOŽETE PRONAĆI SAMO NA NAŠEM WEB SHOPU www.srcestop.ba

Kupovinom SRCE proizvoda cijelokupan prihod donirate Udruženju „Srce za djecu oboljelu od raka“ te pomažete realizaciju aktivnosti i projekata,
koji su od velike važnosti za djecu oboljelu od raka i njihove porodice.

MOLIMO VAS DA NAS KONTAKTIRATE ZA SVE DODATNE INFORMACIJE

+387 33 206 306

info@scredoob.ba



**NAŠA JE PRIMARNA OBAVEZA DA DONIRANA SREDSTVA UTROŠIMO U SKLADU SA PROPISANIM PROCEDURAMA,
ODGOVORNO I TRANSPARENTNO. BEZ OBZIRA NA KOJU SE OD KATEGORIJA DONACIJA OPREDIJELITE,**

**VAŠE JE PRAVO DA DOBIJETE POVROTNE INFORMACIJE
O UTROŠKU DONIRANIH SREDSTAVA.**



SRCE ZA DJECU

20

GODINA
ISTRAJNOSTI
I PODRSKE



HUMANITARNI BROJ*

17010

*Cijena poziva je 2KM

Usluga je dostupna za korisnike četiri operatera - BH Telecom, Eronet, mTel i Telemach



www.srcezadjecu.ba



SrceZaDjecu



srcezadjecu



SrceZaDjecu



Betanija bb 71000 Sarajevo



info@srcezadjecu.ba



Srce za djecu Sarajevo: +387 33 215 416

Srce za djecu Tuzla: +387 35 266 306

Vlasuljarska radionica Breka Sarajevo: +387 33 206 306



Žiro račun:

Raiffeisen Bank Bosnia and Herzegovina: **1610000038890027**

IBAN: BA 391610000038890027 | **SWIFT:** RZBABA2S

*Ko spasi
jedan život
kao da je spasio
cijeli svijet!*